

沅陵縣志卷四十一

藝文一



五代晉

復溪州銅柱銘

有序

學士 李宏皋

粵以天福五年歲在庚子夏五月楚王召天策府學士李宏皋謂曰我烈祖昭靈王漢建武十八年平徵側於龍編樹銅柱於象浦其銘曰金人汗出鐵馬蹄堅子孫相連九九百年是知吾祖宗之慶胤緒綿遠則九九百年之運昌於南夏者乎今五溪初甯羣師內附古者天子銘德諸侯計功大夫稱伐必有刊勒垂諸簡編將立標題式昭恩信

沅陵縣志

卷四十一

藝文

敢繼前烈為吾紀焉宏皋承教濡毫載敘厥事蓋聞牂牁接境槃瓠遺風因六子以分居入五溪而聚族上古以之要服中古漸爾羈縻洎帥號精夫相名媿氏漢則宋均置吏稍靜溪山唐則楊思興師遂開辰錦邇來豪右時恣陸梁去就在心否臧由己溪州彭士愁世傳郡印家總州兵布惠立威識恩知勸故能歷三四代長千萬夫非德教之所加豈簡書而可畏亦無辜於大國亦不虐於小民多自生知因而善處無何忽承間隙俄至動搖我王每示含宏嘗加姑息漸為邊患深入郊圻剽掠耕桑侵暴辰澧疆吏告逼郡人失甯非萌作孽之心偶昧戢兵之法焉知縱火



果至自焚時晉天子肇造丕基倚注雄德以文皇帝之徽  
號繼武穆王之令謨册命我王開天策府天人降止備物  
在庭方振聲明又當昭泰眷言僻陋可俟綏懷而邊鄙上  
言各請効命王乃以靜江軍指揮使劉勅率諸部將付以  
偏師鉦鼓之聲震動谿谷彼乃棄州保嶮結寨憑高惟有  
鳥飛謂無人到而劉勅虔遵廟算密運神機跨壑披崖臨  
危下瞰梯衝旣合水泉無汲引之門樵採莫通糧糗乏轉  
輸之路固甘衿甲豈暇投戈彭師杲爲父輸誠束身納款  
我王愍其通變爰降招攜崇侯感德以歸周孟獲畏威而  
事蜀王曰古者叛而伐之服而柔之不奪其財不貪其土

沅陵縣志

卷四 藝文

二

前王典故後代著龜吾伐叛懷柔敢無師古奪財貪地實  
所不爲乃依前奏授彭士愁溪州刺史就加檢校太保諸  
子將吏咸復職員錫命有差俾安其土仍頒廩粟大賑貧  
民乃遷州城於平岸溪之將佐銜恩向化請立柱以誓焉  
於戲王者之師貴謀賤戰兵不染鍔士無告勞肅清五溪  
震讐百越底平疆理保乂邦家爾宜無擾耕桑無焚廬舍  
無害樵牧無阻川塗勿矜激瀨飛湍勿恃懸崖絕壁荷君  
親之厚施我不徵求感天地之至仁爾懷甯撫苟違誠誓  
是昧神祇垂於子孫庇爾族類鐵碑可立敢忘賢哲之蹤  
銅柱堪銘願奉祖宗之德宏臯仰遵王命謹作頌焉其詞



曰 昭靈鑄柱垂英烈手執干戈征百越我王鑄柱庇黔  
黎指畫風雷開五溪五溪之嶮不足恃我旅爭登若平地  
五溪之眾不足憑我師輕躡如春冰溪人畏威仍感惠納  
質歸明求立誓誓山川兮告鬼神保子孫兮千萬春

宋

槃瓠辨

羅泌

有自辰沅來者云盧溪縣之西百八十里有武山焉其崇  
千仞遙望山半石洞罅啟一石貌狗人立乎其旁是所謂  
槃瓠者今縣之西南三十里有槃瓠祠棟宇宏壯信知天  
下有奇迹也予曰是黃閔武陵記所志者然實誕也曰然

沅陵縣志

卷上

藝文

三

則所謂槃瓠者非歟曰非也何以言之予稽夏后氏之書  
知之也伯益經云卞明生白犬是爲蠻人之祖卞明黃帝  
氏之曾孫也白犬者乃其子之名蓋若後世之烏影犬子  
豹奴虎独云者非狗犬也雖然世之誕妄厥有形影其言  
之不典亦實自於經也按經又言卞明生白犬白犬有二  
自相牝牡郭氏以爲自相配合蓋若今之婆羅門半釋迦  
者而應劭書遂以爲高辛氏之犬名曰槃瓠妻帝之女乃  
生六男六女自相夫婦是爲南蠻則知其說原衍於此殆  
以白犬爲尨爾至郭璞張華于寶范蔚宗李延壽梁載言  
樂史等各自著書枝葉其說人以喜聽而事遂實矣且其



說曰募有得犬戎與將軍首者黃金千鎰邑萬家妻以少女杜君卿固疑其誕謂黃金古以斤計至秦始皇曰鎰一也三代分土漢始分人古安得萬家之封二也將軍周末之官三也吳姓至周始有四也佑之難亦當矣又引其獄中與諸生書證之然不知其說之出乎蔚宗也高辛之事常竊誕之槃瓠者特獾狐之轉音余按元中記槃瓠浮之東南海中是爲犬封氏蓋因本風俗通然亦不謂蠻人之祖曰然則廬溪之祠及武山之像何彰邪曰見石西俯則以爲爲惠這點頭見石東僕則以爲爲秦皇赴海木石之像物歷類多矣偶然喚作木居士豈特一槃瓠而已邪不然

沅陵縣志

卷四

藝文

四

犬戎國之神哉經亦有云犬戎國有犬戎神人面而獸身非蠻之祖也

元

辰州火星祠碑記

學政 武丙發

星之有祠其來久矣按天文志天有五星應五行而熒惑屬南方夏火禮也昴也凡聖明御宇必鑑視其所在是以唐虞氏之火正闕伯居商邺祀大火而以火紀時焉蓋古之火正卽火官也掌祭火星行火政漢立祠於長安其後州郡皆有之辰州爲郡僻在萬山屢居櫛比鬱攸之變朝夕隱憂延祐改元亞中大夫犬同毛公伯帖木兒總管是



邦美化大行百廢具舉思求以膏澤吾民首修火政具經  
在蓄塗潦儲卒徒儻可備大火者靡不究心然天火之災  
何以彌之詢諸邦人咸以火祠未立爲闕典顧瞻州治之  
左元妙觀之右隙地數畝厥土燥剛厥位面陽乃捐俸鳩  
材人懽趨之同寅協力梓匠服勞不逾數月棟宇翬飛又  
考諸祭法幽宗祭星也雩宗祭水旱也山川能出雲爲風  
雨皆曰神能禦大菑捍大患則皆祀之凡五嶽名山悉載  
祀典其神如水在地中無往而不在也侯重念及此復創  
嶽廟於其前像而肖之尸而祝之使民邀福有地繼今以  
往連臺接棟無黔廬赭垣之患耕田鑿井無水旱疾疫之

沅陵縣志

卷四

藝文

五

虞侯之嘉惠豈淺淺哉矧一善言而星退舍一叩頭而天  
返風感應之機捷如影響邦人頌德不已且俾予敘其概  
予聞安靜之吏惻惻無華無華者誠也侯以誠實待民以  
誠意格神神受其靈民受其賜巍巍不朽之功殆與辰山  
相爲無窮矣若夫尸牖綢繆一日必葺端有望於後之來  
者延祐三年夏月中澣學士左郎湖廣省提督學政武丙  
發記將仕郎辰州路總管府知事謝世賢承務郎辰州路  
總管府判官馬合馬沙明威將軍同知辰州路總管府事  
禿魯迷失嘉議大夫辰州路總管府達魯花赤兼管內勸  
農事小云失帖木兒安遠大將軍鎮守辰州路昆陽萬戶



府萬戶移刺四奴等立石總管毛亞中男希先書學正呂  
宣之篆

沅陵縣志

卷四

藝文

六